

### Une storie di aganis



Une volte o jeri cun la mê machine dongje il mâr. Di prionte o ai viodût une agane dentri de aghe. E veve un cuarp bielnonon, une bieles muse, ma invezit des gjambis e veve une code di pes. O fermai la machine e o lei a cirîle. Daspò di cinc minuts, cence cjatâle, o cjapai la volte. Cun sorprese o viodei la agane che e lave vie cun la mê machine.

**di Daniel Ghidina**

**#1120**

### Contimi nono



«Nono, contimi ce robe sono lis aganis...»

«Frutin, lis aganis a son, di bande des liendis, des animis dai cors di aghe. Tu puedis cirîlis tal cors cuïet di un roiuç o tal cors businant di une flumere in plene».

«Puedio cjatâlis a buinore o dome di gnot?»

«A son plui visibilis tes gnots di lune plene. In tal câs, a son a balâ cun vistîts blancs. A voltis si viodin rapresentadis come fantatis bielîs, altris come feminis avonde vielis, come tô none...»

«Judino lis personis?»

«Sì, gjeneralmentri. A àn insegnât a lavorâ la lane aes feminis e a fâ il formadi ai oms. Ma

no stâ a disturbâlis parce che a puedin puartâti disfortune dute la tô vite».

**di Pablo Martres**

#1121



### **Mâr rabiôs**

O navigavi intun mâr rabiôs, cuant che di un spissulot une agane blancje e angjeliche e saltà fûr par domandâmi:

- Ce fasistu in chestis aghis scjassosis?
- O voi a cirî un destin.
- Jo ti pues indreçâ.

E subit lis aghis si jerin cuietadis, di someâ un speli di cristal.

- Cumò, cjale te profunditât e tu podaràs viodi te stes.

**di Ricardo Gregoretti**

#1122